



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 32. Belli errores a Pontificii exercitus Ducibus commissi.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Montlucus Veliram, ut auxiliares copias in hoc oppidum introduceret, decernitur, atque in illud cataphractorum centurias immittit, quo facto ulterius in urbe morari haud consultum ratus ad suum exercitum incolumis pervenit quadraginta circiter milliaria emensus nuspiam interrupto itinere.

Sæcul. XVI.
A.C. 1556.

§. XXXII.

Belli errores a Pontificii exercitus Ducibus commissi.

Ceterum Pontificis exercitus decem pedum millibus, ac mille ducentis equitibus, omnibus ad fortiter pugnandum paratis constabat: Verum sub primis expeditionis auspiciis quoddam finistrum consilium totam spem evertibat; cum enim hisce copiis Albæ Ducem statim aggredi oportuisset, atque ille, cum nondum ad excipiendum hostem sat paratus esset, facile inopino impetu obrui potuisset, Pontificis tamen copię intra Romanæ urbis mœnia detinebantur, hacque cunctatione occasio, qua magis opportuna sese haud offerre potuisset, negligebatur. Hic error Camillo Ursino fuit attributus; is enim jam senex, ac proinde in rebus gerendis cautior, ac nonnihil timidus, tutiora fere, quam generosiora consilia sectabatur. Ceterum inter omnia loca,

Thuan. l. 17.
p. 526.

Sæcul. XVI.
A C. 1556.

quæ tenebant Caraffæ, Palianum, quod Julius propugnauerat, firmis admodum præfidiis muniverant, præter Velitras, quibus Hadrianus Balionus, in locum Ducis Somæ nuper suffectus, præerat.

Cum autem pecuniis laborarent Pontificii milites, eoquod ærarium superiorum annorum bellis exhaustum esset, hinc ut illud sarciretur, centesima instituta est, & nova subinde imposita tributa, quæ quantumvis gravia præsentis belli necessitas excusabat. Interea Trivius Marchio, quem Albæ Dux invadendis Aprutii finibus præfecerat, Malimianum cepit, motisque castris Civitellam contendit; Dux verum cum Hispano peditatu adhuc Tibure hærebat, ut militem labore, & autumnis intemperie fractum reficeret. Tandem collectis viribus de bello prosequendo deliberare cœpit; dubitabatur autem, utrum Reatem versus tenderet, atque ab hac parte regni sui limites firmaret, prout jam ab altera, munitis Frusina, & Anagnia urbibus fecerat: an vero potius Ostiam tentaret, ibique transmissis amne Tiberii castrum, quod hodie Cornetum vocant, occuparet, sicque com meatum, qui inde Romam copiosus comportatur, intercluderet.

§. XXXIII.